

焦氏易林

七



易林卷第七

三三

震下乾上无妄

夏臺牖里湯文厄處臯陶聽理歧人  
悅喜西望華夏東歸无咎

湯囚夏臺文王拘羑里臯陶舜命  
作士理官也

之乾

儋耳穿肖僵離旁春天地易紀日

月更始蝮螫我手痛爲吾毒  
儋耳穿肖皆外國名

坤

慈母之恩長大無孫消息襁褓害不  
入門

無註

屯

僞言妄語傳相註誤道左失迹不知

鄉處

無註

蒙

鬱快不明陰積無光曰在北陸萬物

彫藏

左傳曰在北陸而藏冰又漢志曰

行四陸春東陸夏南陸秋西陸冬

北陸曰當作日

需

王母多福天祿所伏君之寵光君子  
有昌

王母神仙以東華至真之氣化生

訟

不耕而獲家食不給中女無良長子  
徒足踈齒善市商人有息

無註

師

火起上門不爲我殘跳脫東西獨得  
生完不利出隣病疾憂患

無註

比

持刃操肉對酒不食夫亡從軍長子  
入獄抱膝獨宿

無註



小畜

鱣鰈去海游於枯里街巷迫狹不得  
自在南北四極渴餒成疾

無註

履

啞啞笑喜與歡飲酒長樂行觴千秋  
起舞拜受大福

無註

泰

登高上山賓於四門吾士得歡福爲  
我根

書曰賓于四門四門穆穆納于大  
麓烈風雷雨弗迷言舜之德也

否

天馭周德命我南國以禮靜民兵革  
休息



無註

同人

壅遏隄防水不得行火光盛陽陰虬  
伏匿走歸其鄉

無註

大有

海河都市國之輿府商人受福少子  
玉食

無註

謙

東行避兵南去不祥西逐凶惡北迎  
福生與喜相迎

無註

豫

東家中女媠母家醜三十無室媒伯

勞苦

嫫母古之醜婦最賢

隋

破亡之國天所不福難以止息

無註

蠱

駮駕蹇驢日暮失時居者無憂保我

樂娛

無註

臨

蝮螭充側佞幸傾惑女謁橫行正道  
壅塞

詩蝮螭止奔也蝮螭在東莫之敢  
指女子有行遠兄弟父母

觀

三羖五牂相隨俱行迷入空澤循谷  
直北經涉六駮爲所傷賊

無註

噬嗑

載喜抱子與利爲友天之所命不憂  
危殆荀伯勞苦未來王母

詩下泉篇云四國有王郇伯勞之  
荀當作郇

賁

織縷未就勝折無後女工多能亂我

政事

無註

復

羿張烏號殼射天狼鍾鼓不鳴將軍  
振旅趙國雄勇聞死滎陽

羿后羿善射烏號弓名天狼獸名

剝

行露之訟貞女不行君子無食使道



壅塞

詩云厭浥行露言女子有能以禮  
自守而不爲強暴所汙喻道間之  
露方濕恐沾濡而不敢行耳

大畜

延頸望酒不入我口商人勞苦利得  
無有夏臺牖里雖危復喜

牖當作羨湯囚夏臺文王拘羨里

頤

冠帶南遊與喜相期傲於家國拜爲  
逢時

無註

大過

東西觸垣不利出門魚藏深水無以  
樂賓爵級摧頽光威減衰

無註

坎

兩母十子轉息無已五乳百雛駢駢

驪駒

無註

離

重黎祖後司馬太史陸氏之灾雕害

悲苦

書傳重少昊之後黎高陽之後重